

大清會典

禮部



大清會典卷之

禮部

儀制清吏司

耕藉

凡

耕藉之禮置藉田於南郊

先農壇之東南中為

帝藉築臺於藉田北為

皇帝觀耕之位歲仲春吉亥

皇帝躬耕於



大清會典
帝藉。豫期由部奏請。

命王三人。卿九人。從耕。工部張耒。棚於

帝藉。鴻臚寺設從耕位於耒棚東西。立表以識。前期

一日遣官祇告。

奉先殿如常儀。是日順天府尹設二案於

太和殿東檐下。以龍亭三。耒亭四。陳設耕具。

皇帝躬耕耒耜及鞭。皆飾以黃布。嘉種以稻。從耕三

王九卿布種。以麥。穀。菽。黍。各貯青箱。由

長安左門入。至

午門外亭止。府屬官恭奉入左門。至

太和殿東檐。次第陳於案。

皇帝御中和殿。閱祭

先農祝版禮畢。儀見祠祭司。

御保和殿。戶部官舉案入。

中和殿陳於

殿正中。鞭耒案在前。種箱案在後。戶部禮部尚書

侍郎率屬立

中和殿丹陛之南。重行北上。均西面。禮部尚書一

人至

保和殿請

皇帝御中和殿閱耕具畢奏禮成

乘輿還宮戶部官昇案出復於

太和殿東檐順天府官徹案奉耕具出

午門仍陳各亭內鑿儀校昇行前列旗仗和聲署

作樂前導送耜田耕所陳龍亭於采棚內陳采

亭於東西從耕位至日

皇帝禮服詣

先農壇致祭畢儀見祠祭司

御具服殿更黃龍袍從耕暨侍班各官均更蟒袍補

服以竣

帝耜正中陳

躬耕黃耒駕以黃犢戶部尚書一人立於右東面順

天府尹奉鞭立於左西面采棚東西陳從耕耒

耒各六駕以黝牛府屬丞倅奉青箱者咸竣於

次樂部典樂一人和聲署正二人丞二人立采

棚左右署史歌禾詞者十有四人司金鼓板篳

篥簫者各六人頂帶老農四人立采棚左右柱

內麾五色采旗者五十人披簔戴笠執錢鎛者

二十人牽牛耆老三十有四人上農夫十人中

農夫十人。下農夫十人。立采棚左右柱外。皆相
間爲班。均東西面。魚貫序立。鴻臚寺鳴贊二人。
侍儀御史二人。立東西柱外。不從耕。王公太學
士。暨三品以上文武官。序立於

觀耕臺側。禮部尚書奏請

行耕藉禮。

皇帝出具服殿。恭導至

耕位。南嚮立。從耕三王九卿。以次就耕位。東西面立。
鴻臚官引王公各官至。

觀耕臺南左右隅。均南嚮立。鳴贊贊進耒。戶部尚

書北面跪進耒。贊進鞭。順天府君北面跪進鞭。
皆興退。

皇帝右秉耒。左執鞭。耆老二人牽犢。上農夫二人扶
犁。禮部太常寺鑾儀衛堂官各二人恭導。

皇帝行耕藉禮。和聲署署史。揚采旗。司樂官引署史
鳴金鼓。歌禾詞。左右隨行。順天府丞奉青箱。以
從。戶部侍郎播種。

皇帝三推三返。

每歲奉
命加一推一返著爲令

畢歌止。鳴贊

贊受耒。戶部尚書北面跪受耒。贊受鞭。順天府
君北面跪受鞭。皆興。暨順天府丞奉青箱。均復

於亭和聲署正率所屬退禮部尚書奏請

御觀耕臺

皇帝御袞服由午階

陞座記注官四人由西階升立臺上西南隅東面鴻

臚官引王公百官退立於臺下左右均東西面

北上從耕三王九卿以次受鞭耒皆耆老一人

牽牛農夫二人扶犁順天府屬丞倅一人奉青

箱一人播種三王五推五返九卿九推九返畢

釋鞭耒入侍班位立執事官各復青箱於亭鴻

臚官引順天府尹暨丞率所屬官耆老農夫至

臺前御道西北面東上鳴贊贊跪叩興行三跪

九叩禮畢退至藉田終畝禮部尚書奏禮成

駕興乘輿還宮導迎樂作奏祐平之章王公從各官

以次退是日

賚耆老農夫布各四疋及秋玉粒告成擇吉收貯

神倉以供

天

地

宗廟

社稷之粢盛○恭遇

禮部

時巡省方遣官祭

先農禮畢順天府尹率屬耕藉與直省督撫耕藉禮同○直省耕藉之禮奉天及直省府州縣於東郊

先農壇側擇地為藉田歲仲春吉亥既有事於

先農乃行耕藉禮省會督撫秉耒府佐貳一人奉青

箱一人播種司道秉耒縣佐貳奉青箱播種府

縣秉耒首領雜職官奉青箱播種各府州縣如

之專城衛所正印官秉耒椽史奉青箱播種皆

蟒袍補服每歲收穫以供祭祀之粢盛督撫以

聞

奉行耕藉日期具疏以



